



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XXIII. Bischof Joachim von Brandenburg beleihet die von Lochow mit Nennhausen und Bamme, so wie mit Hebungen in Ferchesar, Föhrde und Pritzerbe, am 26. Aug. 1555.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

XXIII. Bischof Joachim von Brandenburg beleihet die von Lochow mit Nennhausen und Bamme, so wie mit Hebungen in Zierke, Föhre und Prikerbe, am 26. Aug. 1555.

Von gotts gnaden wir Joachim, Bischoff zu Brandenburg, herzog zu Münsterberg in Slesien czur offnen graue zu glacz, Bekennen für vns, vnser nachkomend Bischoue zu Brandenburg vnd sonst allermeiglich, die diesen vnsern offnen brief lesen oder horen lessen, Das wir den würdigen, Erbaren vnd vesten vnsern lieben getreuen Ern Niclas von lochow, thumbher zu halberstadt, Arntten zu Rathenow, Item arntten, Balczern, Cristof, Jurgen, konen, thomas, Caspar, ludwigen, Cristoff vnd melchern, gebruder vnd vettern, alle die lochowen gnant zu Nennhusen vnd bamme erbgeessen vnd in rechten menlichen leibs lehns erben umb manigfaltig getreuen dienst willen, vnsern vorfarn getreulich geleist auch hinfürder vns vnd vnsern nachkomen thun können vnd mogen auch sollen vnd wollen, zu rechten manslehn gereicht, gelien vnd bestetigt haben Alle vnnd igliche Ire lehn vnnd gutter, wie die von vnserm Stieff Brandenburg zu lehn ruren, Vnd bis daher von Iren voreltern vnd inen besessen vnd gnossen, Nemlich die beide dorffer Nennhusen vnd bamme mit allen gnaden vnd gerechtikeitten, so von Alters dazzu gehört, an diensten, pachten, czinsen, ackern, holczungen, buschen, gestaden, gresingen, wassern, fischereien, weiden, Jagtten, Item III horste am luge bei Nennhusen gelegen, Nemlich den kinhorst, steinhorst vnd eichorst, vnd in aller massen dieselbigen dorffer ire voreltern bishero Ingehapt, besessen vnd genossen, nichts ausgenommen, mit vbersten vnd siedesten gerichtten auch beider dorff kirchlehne, mehr in vnsern Dorffe vergeret vñ des schulzen achim basekowen hof ynnnd hufenn IV sch. rogken vnd IV sch. gersten, vñ peter beckmans hof vnd hufen VIII sch. rogken, acht scheffel gersten vnd VIII scheffel hauern, vñ lencze Surings hof vnd hufen VIII scheffel rogken, VIII sch. gersten vnd VIII sch. hauern, vñ Simon lang hof vnd hufen VIII sch. rogken vnd VIII sch. hauern vnd vñ Claus Arnts hof vnd hufen VIII sch. rogken vnd VIII sch. hauern, Im dorffe Ford'e vñ Michel schumen hof vnd hufen III sch. rogken vnd III sch. haffern vnd inn vnserm Stedlein prizerbe bei den grossen garnleutten Jerlich ein czuber hecht. Solche alle vnd igliche obgeschriebenn lehn vnd gutter Reichen, leihen vnd Confirmirn wir obgnanten lochowen, gebrudere vnd vettern, vnd in menlich leibs lehn erben, In vnd mit krafft dicz briues, Jedoch vns an vnse vnd meniglichen an seinen beweislichenn rechten vnshedelich, Sie auch hinfürder solche gutter von vnserm Stieff Brandenburg haben, halten vnd so oft die zu falle komen empfangen vnd geburliche volge vnd pflicht, wie vns geleist, thun, auch getreulich vordienen sollen. Des zu rechter Vrkund mit vnserm fürflichen anhangenden Ingesiegel wissentlich besiegelt vnd geben vñ czierke, Montags nach Bartelmey Im XV^e. vnd LV^{ten} Jare.

Nach dem Kurrmärk. Lehn-Copialbuche des K. Geh. Kab. Archives IX, 43.

XXIV. Melchior Schaf (Schafgotsch) Hauptmann auf Zierke, bekundet in des Bischofs Namen, den Mathias Speiser mit dem Schulzengerichte im Städtchen Prikerbe beliehen zu haben, am 27. Nov. 1559.

Ich Melchior schaff, hauptmann vñ Zierke, Bekenne mit dieser offnen schrift, Das ich im Nhamen M. g. h. des Bischoffen Zu Brandenburgk Mathiasen Speiser vor im vnnd seinen vnmun-